

Broj: 02C-4786-13/26
Sarajevo, 23.07.2026. godine

Na osnovu člana 88., člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14 i 59/22 i 50/24), člana 8. stav 2. tačka d) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23), i člana 27. Statuta Javne ustanove Opća bolnica „Prim. dr. Abdulah Nakaš“, na Preporuku Komisije za nabavku broj: 02C-4786-11/26 od 21.07.2026. godine, u postupku javne nabavke usluga – **Održavanje frižidera i split sistema, JN-69/26**, direktor Javne ustanove Opća bolnica „Prim. dr. Abdulah Nakaš“, donosi

ODLUKU
o izboru najpovoljnijeg ponuđača
za LOT 1, 3 i 4

Član 1.

Prihvata se Preporuka Komisije, broj: 02C-4786-11/26 od 21.07.2026. godine, za nabavku usluga – **Održavanje frižidera i split sistema, JN-69/26**, te se Okvirni sporazum o nabavci roba dodjeljuje:

Ponuđaču **INEL BH d.o.o. MAGLAJ**, ponuda dostavljena dana 14.07.2026. godine za lot kako slijedi:

- **LOT 1 - Održavanje frižidera/zamzivača Frimed - 2.000,00 KM** bez uračunatog PDV-a, odnosno **2.340,00 KM** sa uračunatim PDV-om kao jedinom i prihvatljivom ponuđaču na godišnjem nivou;
Cijena norma sata bez PDV-a iznosi 100,00 KM, a sa PDV-om iznosi 117,00 KM.

Ponuđaču **ANALITIKA d.o.o. SARAJEVO**, ponuda dostavljena dana 13.07.2026. godine za lot kako slijedi:

- **LOT 3 - Održavanje frižidera Artico - 2.800,00 KM** bez uračunatog PDV-a, odnosno **3.276,00 KM** sa uračunatim PDV-om kao jedinom i prihvatljivom ponuđaču na godišnjem nivou;
Cijena norma sata bez PDV-a iznosi 120,00 KM, a sa PDV-om iznosi 140,40 KM.

Ponuđaču **KLIMA SERVIS O.D. Sarajevo**, ponuda dostavljena dana 14.07.2026. godine za lot kako slijedi:

- **LOT 4 - Održavanje split sistema - 7.000,00 KM** bez uračunatog PDV-a, odnosno **8.190,00 KM** sa uračunatim PDV-om kao jedinom prihvatljivom ponuđaču na godišnjem nivou.
Cijena norma sata bez PDV-a iznosi 100,00 KM, a sa PDV-om iznosi 117,00 KM.

Član 2.

Postupak iz člana 1. ove Odluke proveden je metodom „konkurentski zahtjev za dostavu ponuda“, te je nakon otvaranja ponuda trebala biti provedena provedena „E-aukcija“, a za izbor najpovoljnijeg ponuđača korišten je kriterij „najniža cijena“. Ugovorni organ je u Tenderskoj dokumentaciji predvidio provođenje E-aukcije.

Član 3.

Nakon prijema i evaluacije ponuda, konstatovano je da su ponude za predmetnu nabavku dostavila 3 (tri) kvalifikovana ponuđača i to:

1. INEL BH d.o.o. MAGLAJ za LOT 1

2. ANALITIKA d.o.o. SARAJEVO za LOT 3

3. KLIMA SERVIS O.D. Sarajevo za LOT 4

U skladu sa članom 4. stav (2) Pravilnika o uslovima i načinu korištenja E-aukcije („Službeni glasnik BiH“ broj 80/23) u slučaju prijema jedne prihvatljive ponude E-aukcija se ne može zakazati, nego se postupak okončava u skladu sa članom 69. Zakona o javnim nabavkama („Službeni glasnik BiH“ broj 39/14, 59/22 i 50/24).

Član 4.

Izabrani ponuđači obavezuju se da dostave originale ili ovjerene kopije dokumentacije iz člana 45. Zakona o javnim nabavkama, u roku od pet (5) dana računajući od dana prijema ove Odluke, putem protokola Ugovornog organa, ukoliko iste nisu dostavili uz ponudu.

Član 5.

Prijedlog Okvirnog sporazuma za LOT-ove za koje su ponude dostavili po jedan kvalifikovani ponuđač, dostavit će se na potpis izabranim ponuđačima uz Odluku o izboru najpovoljnijeg ponuđača.

Član 6.

Ova Odluka stupa na snagu danom donošenja, te se ista objavljuje na internet stranici Javne ustanove Opća bolnica „Prim. dr. Abdulah Nakaš“ (www.obs.ba), istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav. 6), a u vezi sa članom 71. stav 2) Zakona o javnim nabavkama (Sl. Glasnik BiH broj: 39/14 i 59/22 i 50/24).

Obrazloženje

Postupak javne nabavke pokrenut je Odlukom o pokretanju postupka javne nabavke broj: 02C-4786-3/26 od 11.06.2026. godine. Komisija za nabavku, imenovana je Rješenjem broj: 02C-4786-2/26 od 02.06.2026. godine. Javna nabavka je sprovedena putem konkurentskog zahtjeva za dostavu ponuda, **JN-69/26**.

Procijenjena vrijednost (bez PDV-a): 15.000,00 KM bez uračunatog PDV-a, odnosno po lotovima kako slijedi:

LOT 1: Održavanje frižidera/zamrzivača Frimed, do 3.000,00 KM bez PDV-a

LOT 2: Održavanje frižidera Emsas, do 2.000,00 KM bez PDV-a

LOT 3: Održavanje frižidera Artico i Fiocchi, do 3.000,00 KM bez PDV-a

LOT 4: Održavanje split sistema, do 7.000 KM bez PDV-a

Obavještenje o nabavci broj 1125-7-2-193-3-343/26, objavljen na Portalu javnih nabavki dana 18.06.2026. godine, a u „Službenom glasniku“ br. 44/26 od 26.06.2026. godine.

Komisija za predmetnu javnu nabavku dostavila je direktoru Javne ustanove Opća bolnica „Prim. dr. Abdulah Nakaš“, Zapisnik o pregledu i ocjeni ponuda broj 02C-4786-10/26 od 21.07.2026. godine, Preporuku o izboru najpovoljnijeg ponuđača broj: 02C-4786-11/26 od 21.07.2026. godine i Izvještaj o radu broj: 02C-4786-12/26 od 21.07.2026. godine.

U postupku po Izvještaju o radu Komisije, utvrđeno je da je Komisija za nabavku blagovremeno i pravilno izvršila otvaranje, pregled i ocjenu prispjelih ponuda, o čemu je sačinila odgovarajuće zapisnike u kojima je utvrđeno da su blagovremeno primljene 4 ponude i da nije bilo neblagovremeno primljenih ponuda.

- Analiza ponuda vezano za ispunjenje zahtjeva u pogledu opisa predmeta nabavke i tehničkih specifikacija:

Ponuda ponuđača **INEL BH d.o.o. Maglaj** za LOT 1 je prihvatljiva u skladu sa odredbama člana 2. stav (1) tačka 1) podtačka 1) Zakona o javnim nabavkama Bosne i Hercegovine ("Službeni glasnik BiH" broj 39/14, 59/22 i 50/24).

Ponuđač nije dostavio dokaze iz člana 45. stav (1) tačke od a) do d) Zakona.

Ponuda ponuđača **ANALITIKA d.o.o. Sarajevo** za LOT 3 je prihvatljiva u skladu sa odredbama člana 2. stav (1) tačka 1) podtačka 1) Zakona o javnim nabavkama Bosne i Hercegovine ("Službeni glasnik BiH" broj 39/14, 59/22 i 50/24).

Ponuđač je u ponudi dostavio dokaze iz člana 45. stav (1) tačke od a) do d) Zakona.

Ponuda ponuđača **KLIMA SERVIS O.D. Sarajevo** za LOT 4 je prihvatljiva u skladu sa odredbama člana 2. stav (1) tačka 1) podtačka 1) Zakona o javnim nabavkama Bosne i Hercegovine ("Službeni glasnik BiH" broj 39/14, 59/22 i 50/24).

Ponuđač je u ponudi dostavio dokaze iz člana 45. stav (1) tačke od a) do d) Zakona.

- Naziv i sjedište ponuđača koji se isključuju zbog neispunjavanja uslova za kvalifikaciju, te obrazloženje razloga njihovog isključenja, za svakog ponuđača posebno:

1. DIGITAL LINE d.o.o. Sarajevo LOT 4

Ponuda ponuđača „**DIGITAL LINE**“ d.o.o. Sarajevo LOT 4 odbacuje se kao nepravilna u skladu sa članom 68. stav (4) tačka i) Zakona o javnim nabavkama Zakona o javnim nabavkama Bosne i Hercegovine ("Službeni glasnik BiH" broj 39/14, 59/22 i 50/24), iz razloga što ponuđač u ponudi nije dostavio Certifikate za minimalno 2 servisera, a koji treba da glase na navedene servisere, kako je traženo na strani 11. Tenderske dokumentacije:

Tehnička i profesionalna sposobnost – u smislu člana 48.-51. Zakona:

Uvjeti:

3. Da ponuđač ima angažovano minimalno dva servisera koji posjeduju **certifikat**

Dokazi:

3. Izjava o angažovanosti minimalno dva servisera, za koje je potrebno **uz ponudu dostaviti certifikate**.

Ponuđač nije dostavio dokaze iz člana 45. stav (1) tačke od a) do d) Zakona.

U postupku donošenja ove Odluke, posebno su cijenjene činjenice da je Komisija, pravilno i potpuno, izvršila ocjenu kvalifikovanosti ponuđača, te pregled i ocjenu ponude, u skladu sa kriterijumima iz Tenderske dokumentacije.

U postupku ocjene provedenog postupka, direktor Javne ustanove Opća bolnica „Prim. dr. Abdulah Nakaš“ nije našao razloge, nepravilnosti niti propuste u radu, koji bi eventualno bili osnov za neprihvatanje Preporuke Komisije za nabavku.

Naime, u postupku je ocijenjeno da je Komisija u svemu pravilno postupila, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i Tenderskim dokumentom.

Iz navedenih razloga, primjenom člana 88., člana 64. stav 1. tačka b), člana 70. stavovi 1., 3. i 6. Zakona o javnim nabavkama (Sl. Glasnik BiH broj: 39/14 i 59/22 i 50/24), člana 8. stav 2. tačke d) i f) Pravilnika o uspostavljanju i radu Komisije za nabavke (Sl. Glasnik BiH broj: 103/14 i 49/23), i člana 27. Statuta Javne ustanove Opća bolnica „Prim. dr. Abdulah Nakaš“, odlučeno je kao u članu 1. ove Odluke.

POUKA O PRAVNOM LIJEKU: Protiv ove Odluke može se izjaviti žalba, najkasnije u roku od 5 (pet) dana od dana prijema ove Odluke. Žalba se izjavljuje Uredu za razmatranje žalbi Bosne i Hercegovine, putem ugovornog organa u pisanoj formi direktno ili preporučenom poštanskom pošiljkom na adresu:

Javna ustanova Opća bolnica „Prim. dr. Abdulah Nakaš“, Kranjčevićeva broj 12, Sarajevo. Žalba se podnosi u najmanje 3 (tri) primjerka.

//

Pripremila:

Melisa Mehic, BA prava

Službenik za javne nabavke

Kontrolisala:

Aldijana Ećo Ajkunić, BA prava

Šef Odsjeka za javne nabavke



DIREKTOR

Prof. dr. Ismet Gavrankapetanović

Dostaviti:

- **INEL BH d.o.o. Maglaj** – info@inelbh.ba
- **ANALITIKA d.o.o. Sarajevo** – analitika_sa@bih.net.ba
- **KLIMA SERVIS O.D. Sarajevo** – ahmedsabic@klimaservis.ba; info@klimaservis.ba
- **DIGITAL LINE d.o.o. Sarajevo** – jkuluglija@digitalline.ba; digital_line@bih.net.ba
- Odsjek za javne nabavke
- Odjeljenje za tehničke poslove i investicije
- Odjeljenje za ekonomsko finansijske poslove